



МОНГОЛ УЛСЫН
ЭРҮҮЛ МЭНДИЙН САЙДЫН ТУШААЛ

2012 оны 07 сарын 06 өдөр

Дугаар 247

Улаанбаатар хот

Журам батлах тухай

Эрүүл мэндийн тухай хуулийн 13.5-ыг үндэслэн хүн амд үзүүлэх сэргээн засах тусламж, үйлчилгээний чанар, хүртээмжийг сайжруулах зорилгоор ТУШААХ НЬ:

1. “Чанар, нөөц нь тогтоогдсон рашаан ус, шавар, байгалийн бусад хүчин зүйлийг түшиглэсэн сувиллын үзүүлэх тусламж, үйлчилгээний журам”-ыг нэгдүгээр, “Рашаан сувилалд эмчлэх, сувилах өвчний жагсаалт”-ыг хоёрдугаар, “Рашаан сувилалд илгээх бичиг”-ийг гуравдугаар, “Сувилуулагчийн түүх”-ийг дөрөвдүгээр хавсралтаар ёсоор баталсугай.
2. Тушаалын хэрэгжилтэд хяналт тавьж ажиллахыг Эмнэлгийн тусламжийн бодлогын хэрэгжилтийг зохицуулах газар /Д. Гончигсүрэн/, Мэдээлэл-хяналт шинжилгээ, үнэлгээний газар /Д. Жаргалсайхан/т үүрэг болгосугай.
3. Энэхүү тушаал гарсантай холбогдуулан Эрүүл мэндийн сайдын 2007 оны 268 тоот тушаалыг хүчингүй болсонд тооцсугай.

САЙД

Н. ХҮРЭЛБААТАР

Эрүүл мэндийн сайдын 2012 оны
7 дугаар сарын 6 өдрийн 247 тоот
тушаалын нэгдүгээр хавсралт

**ЧАНАР, НӨӨЦ НЬ ТОГТООГДСОН РАШААН УС, ШАВАР, БАЙГАЛИЙН
БУСАД ХҮЧИН ЗҮЙЛИЙГ ТҮШИГЛЭСЭН СУВИЛЛЫН ҮЗҮҮЛЭХ ТУСЛАМЖ,
ҮЙЛЧИЛГЭЭНИЙ ЖУРАМ**

Нэг. Нийтлэг үндэслэл

1.1. Монгол Улсын Эрүүл мэндийн тухай хууль, рашаан, сувилалтай холбоотой эрх зүйн баримт бичгийн хэрэгжилтийг хангах, хүн амд рашаан, сувиллын тусламж, үйлчилгээг чанартай, хүртээмжтэй үзүүлэхэд журмын зорилго оршино.

1.2. Чанар, нөөц нь тогтоогдсон рашаан ус, шавар, байгалийн бусад хүчин зүйлийг түшиглэсэн сувилал /цаашид рашаан, сувилал гэх/-д иргэдийг эмчилж сувилахтай холбогдсон харилцааг энэхүү журмаар зохицуулна.

Хоёр. Сувилуулагч илгээх заавар

2.1. Сувиллын үйлчилгээг тэгш хүртээмжтэй байлгах, сувилуулагчдын дарааллыг зохицуулах, рашаан сувилалд батлагдсан оноштой сувилуулагч хүлээн авах зорилгоор "Илгээх бичиг"-ийг хэрэглэнэ.

2.2. "Илгээх бичиг"-ийн загварыг Эрүүл мэндийн асуудал эрхэлсэн төрийн захиргааны төв байгууллага батална.

2.3. "Илгээх бичиг" нь тухайн үйлчлүүлэгчийн мэдээлэл, рашаан, сувилалд эмчлүүлэх үндэслэл, оношийг тусгасан, эмчийн гарын үсэг, байгууллагын даргын гарын үсэг, тамгаар баталгаажсан баримт бичиг байна.

2.4. "Илгээх бичиг"-ийг чанар, нөөц нь тогтоогдсон рашаан ус, шавар, байгалийн бусад хүчин зүйлийг түшиглэсэн сувиллын тусламж, үйлчилгээ үзүүлж буй рашаан сувилал батлагдсан загвараар хэвлэж, энэ журмын 2.5-д заасан эрүүл мэндийн байгууллагуудад түгээнэ.

2.5. Эрүүл мэндийн тухай хуулийн 15 дугаар зүйлийн 15.1-д заасан эрүүл мэндийн тусламж, үйлчилгээ үзүүлэх байгууллагууд өвчтөнийг рашаан, сувилалд эмчлүүлэхээр илгээнэ.

2.6. Өвчтөнийг рашаан, сувилалд илгээхдээ "Рашаан сувилалд эмчлэх, сувилах, өвчний жагсаалт"-ын заалтыг баримтлана.

2.7. Рашаан, сувилалд илгээгдэж буй өвчтөний "Илгээх бичиг"-т үндсэн онош, бодит үзлэг, өвчний клиник шинж, хийгдсэн эмчилгээ, хүндрэл, дагалдах өвчин

108

зэргийг тодорхой бичиж тэмдэглэх ба шаардлагатай лабораторийн болон багажийн шинжилгээний хариуг хавсаргасан байна.

2.8. Нийгмийн даатгалын байгууллагатай даатгалын гэрээ бүхий рашаан, сувилалд эрүүл мэндийн даатгалд даатгуулсан даатгуулагч тусламж, үйлчилгээ авсан тохиолдолд Иргэний эрүүл мэндийн даатгалын тухай хуульд зааснаар төлбөрийн хөнгөлөлт эдэлнэ.

Гурав. Рашаан, сувиллын эмчилгээ, сувилгаа

3.1. Рашаан, сувиллууд нь Эрүүл мэндийн асуудал эрхэлсэн төрийн захиргааны төв байгууллагаас баталсан “Рашаан сувилалд эмчлэх, сувилах өвчний жагсаалт”-д заагдсан оношийн дагуу тусламж, үйлчилгээ үзүүлнэ.

3.2. Рашаан, сувилалд Эрүүл мэндийн тухай хуулийн 13 дугаар зүйлийн 13.4.5, 13.4.6-д заасан тусламж, үйлчилгээ үзүүлнэ.

3.3. Тусламж, үйлчилгээг үзүүлэхдээ “Эмчилгээ оношлогсоны түгээмэл үйлдлүүд MNS 4621-2008”, “Рашаан, сувилалд эмчлэх өвчний эмчилгээний удирдамж”, “Сэргээн засах тусламж, үйлчилгээний оношлогоо, эмчилгээний журам”, “Зонхилон тохиолдох өвчний сэргээн засах оношлогоо, эмчилгээний удирдамж” зэрэг холбогдох эрх зүйн баримт бичгийг мөрдөнө.

3.4. Сувилуулагчийг рашаан, сувиллын хүлээн авахын эмчийн үзлэгт хамруулж, мэдээллийн санд бүртгэсэнээр “Сувилуулагчийн түүх”-ийг нээнэ.

3.5. Эмчлэгч эмч сувилуулагчийн биеийн байдал, эмчилгээний тохирол, үр дүнг хянаж, үзлэгийн тэмдэглэлийг 3 хоног тутамд “Сувилуулагчийн түүх”-нд хөтөлнө.

3.6. Сувилуулах хугацаа дуусахад сувиллын эмчилгээний үр дүнгийн талаар “Сувилуулагчийн түүх”, иргэний эрүүл мэндийн дэвтэрт тэмдэглэл хийж цаашдын эмчилгээ сувилгаа, дэглэмийн талаар зөвлөгөө өгч гаргана.

3.7. Сувилуулагчийг хүлээн аваагүй, буцаасан, эмнэлэгт шилжүүлсэн, сувилуулагч нас барсан тохиолдолд шалтгаан, мэдээллийг тусгай бүртгэлд бүртгэнэ.

Дөрөв. Сувилуулагч буцаах заавар

4.1. Рашаан, сувилалд эмчлүүлж сувилуулахаар ирсэн үйлчлүүлэгчийг дараах тохиолдолд хүлээн авахгүй буюу хугацаанаас нь өмнө буцаана. Үүнд:

4.1.1. “Илгээх бичиг”-т тавигдсан онош, сувиллын хүлээн авах эмчийн оношийн зөрүүтэйгээс эмчлэн сувилах боломжгүй;

109

4.1.2. Эрүүл мэндийн сайдын тушаалаар баталсан рашаан сувилалд эмчилж сувилахад хориглох оноштой;

4.1.3. Сувиллын эмчилгээнд тухайн өвчтөний өвчний үе шат, хэлбэр, хүндрэл нь харшлахаар байх;

4.1.4. Сувилалд эмчлүүлэх явцад өвчин сэдэрч, хүндрэн клиникийн болон төрөлжсөн эмнэлгийн тусламж, үйлчилгээ зайлшгүй шаардлагатай болох;

4.1.5. Сувилуулагч сувиллын дотоод журам, дэглэм зөрчих.

Тав. Хүлээлгэх хариуцлага

5.1. Энэ журмыг зөрчсөн албан тушаалтан, байгууллагад Эрүүл мэндийн тухай хууль болон холбогдох хууль тогтоомжид заасны дагуу хариуцлага хүлээлгэнэ.

---oOo---

Эрүүл мэндийн сайдын 2014 оны
7 дугаар сарын 6 өдрийн 247 тоот
тушаалын хоёрдугаар хавсралт

НЭГ. РАШААН СУВИЛАЛД ЭМЧЛЭХ, СУВИЛАХ ӨВЧНИЙ ЖАГСААЛТ

№	Олон улсын ангиллын код	Өвчний нэр	Сувилалд эмчлэх өвчний үе шат, онцлог
Цусны эргэлтийн тогтолцооны өвчин			
1	I 09 I 05 I 06	Хэрлэгийн гаралтай зүрхний архаг өвчнүүд	а/ Анхдагч болон дахих эндокардит, миокардитын хурц, хурцавтар үеэс 6-8 сараас доошгүй хугацаа өнгөрсөн, хэрлэгийн идэвхжилгүй, цусны эргэлтийн дутмагшил I үеэс хэтрээгүй, зүрхний хэм алдагдлын хүнд хэлбэргүй б/ Хос болон гол судасны хавхлагийн гажиг: компенсацийн шатанд, хэрэх өвчний идэвхжилгүй, цусны эргэлтийн дутмагшил I үеэс хэтрээгүй, хэм алдагдаагүй
2	I 41	Зүрхний булчингийн үрэвсэл (миокардит)	Зүрхний булчингийн халдвар, харшлын гаралтай үрэвслээр өвдсөнөөс хойш 6-8 сарын дараа, цусны эргэлтийн дутмагшил I үеэс хэтрээгүй, зүрхний хэм, дамжуулах чадвар алдагдаагүй
3	I 42	Зүрхний булчингийн эмгэг (кардиомиопати)	Цусны эргэлтийн дутмагшил I үеэс хэтрээгүй, зүрхний хэм, дамжуулах чадвар алдагдаагүй
4	I 20	Зүрхний бах (стенокарди)	а/ Дахилт цөөнтэй, хүчдлийн зэрэг /фк/ I-II , цусны эргэлтийн дутмагшил I үеэс хэтрээгүй , зүрхний хэм алдагдлын хүнд хэлбэргүй , артерийн даралт ихсэх өвчний I-II шатнаас хэтрээгүй
5	I 25	Зүрхний архаг ишеми	Зүрхний булчингийн шигдээсээр өвдсөнөөс 1 жилээс доошгүй хугацаа өнгөрсөн, тогтвортой ачааллын стенокарди I-II ү. а. б-ээс хэтрээгүй цусны эргэлтийн дутмагшил I үеэс хэтрээгүй, зүрхний хэм, дамжуулалт алдагдаагүй, артерийн даралт ихдэх өвчин II шатнаас доош
6	I 10	Артерийн даралт ихдэх өвчин	а/ Артерийн даралт ихдэх өвчин I-II шат: тархи, зүрх, бөөрний судас илт хатууран өөрчлөгдөөгүй, зүрхний хэм, дамжуулалт алдагдаагүй, цусны эргэлтийн дутмагшил I үеэс хэтрээгүй

			б/ Зүрхний (хурмал) дутмагшилгүй в/ Бөөрний дутмагшилгүй
7	I 97	Зүрхний мэс ажилбарын дараахь үе	Зүрхний мэс засал ажилбараас 6-8 сар өнгөрсөн, цусны эргэлтийн дутмагшил I үеэс хэтрээгүй, хэрх өвчний идэвхжилгүй болон идэвхжил I үеэс хэтрээгүй
8	I 95	Артерийн даралт багадах	Хүндрэлгүй
9	F 45	Сэтгэлийн болон мэдрэлийн шалтгаант биеийн эмгэг	Зүрх судасны үйл ажиллагааны хямралаар илрэх
10	I 70.2	Атеросклероз	Мөчдийн артерийн атеросклероз, цусны эргэлтийн өөрчлөлтийн компенсаци, субкомпенсацийн шат
11	I 73	Захын артери судасны үрэвсэл	Хүндрэлгүй, эдгэрэлтийн шат
12	I 80.0	Доод мөчний өнгөц судасны флебит ба тромбофлебит	Хүндрэлгүй, эдгэрэлтийн шат
Мэдрэлийн тогтолцооны өвчин			
1	G 51	Нүүрний мэдрэлийн эмгэг	Хурц үеэс 1,5 сараас дээш хугацаа өнгөрсөн
2	G 54-59	Мэдрэлийн ёзоор, сүлжээ, захын мэдрэлийн эмгэг	а) Мэдрэлийн ёзоор, сүлжээ, захын мэдрэлийн эмгэгийн архаг хэлбэр, бүрэн бус намжмал үе б) Мэдрэлийн ёзоор сүлжээний дарагдал: мэс заслын эмчилгээ шаардагдахгүй, архаг явцтай, хөдөлгөөн болон аарцгийн эрхтнүүдийн үйл ажиллагаа алдагдаагүй хэлбэр
3	G 60-64	Полиневропати ба захын мэдрэлийн тогтолцооны бусад эмгэг	Янз бүрийн шалтгаант полинейропати эмгэгийн архаг хэлбэр, бүрэн бус намжмал үе
4	I 60-63	Тархины цус харвалт, шигдээс	Цус харвасан болон тархины шигдээсийн дараа 6 сараас доошгүй хугацаа өнгөрсөн, сэтгэц хэвийн, бие даах чадвартай, артерийн даралт тогтвортой байгаа
5	I 69	Тархины судасны өвчний үлдэц	Цус харвасан болон тархины шигдээсийн дараа 1жилээс доошгүй хугацаа өнгөрсөн, артерийн

			даралт тогтвортой, бусад хүндрэлгүй, сэтгэц хэвийн, өөртэй үйлчлэх чадвар сэргэж буй үе
6	G 45	Тархины цусны эргэлтийн түр зуурын хямрал	Тархины цусны эргэлтийн түр зуурын хямралын дараа 3-4 сарын хугацаа өнгөрсөн
7	S 06	Гавал, тархины гэмтэл	Далд гэмтэл авснаас 4 сар, ил гэмтлийн дараа 4-6 сар өнгөрсөн сэтгэцийн өөрчлөлтгүй, уналтгүй, тархины болон артерийн даралт ихсээгүй
8	S 14 S 24 S 34	Нугас, мэдрэлийн гэмтэл	Хөнгөн хэлбэрийн тетра, пара,монопарезтай, өөртөө үйлчлэх чадвар сэргэж байгаа болон аарцгийн эрхтний үйл ажиллагаа алдагдаагүй
9	G 43	Мигрень	Хүндрэлгүй
10	G 04 G 05	Энцефалит Миелит	Өвчлөөд 4 сараас доошгүй хугацаа өнгөрсөн, өөртөө үйлчлэх чадвар алдагдаагүй
11	A 80	Полиомиелит	Өвчлөөд 3 сараас доошгүй хугацаа өнгөрсөн өөртөө үйлчлэх чадвар алдагдаагүй
12	G 97.8	Мэдрэлийн мэс заслын дараахь үеийн эмгэг	а/ Нугасанд мэс засал хийлгэснээс 4 сараас доошгүй хугацаа өнгөрсөн аарцгийн эрхтний үйл ажиллагаа алдагдаагүй, өөртөө үйлчлэх чадвартай б/ Захын мэдрэлийн судалд хийсэн мэс ажилбарын дараахь сэргэх үе
13	G 90	Вегетатив мэдрэлийн эмгэг	Вегетативны полиневрит, солярит, ганглионитын хурц үе өнгөрсний дараа
14	F40-48	Мэдрэл сульдал	Сэтгэцийн эмгэг илрээгүй
15	Z 73.0	Хэт ядрах	

Хоол боловсруулах эрхтний өвчин

1	K 20	Улаан хоолойн үрэвсэл	Улаан хоолойн архаг үрэвсэл, хурц бус үе
2	K21	Ходоод-улаан хоолойн сөргөө Улаан хоолойн шархлаа	Хөнгөн болон дунд зэргийн, сэдрэлийн бус үе
3	K22	Улаан хоолойн шархлаа	Шархлааны идэвхжилгүй, болон намжмал үе, хүндрэлгүй хэлбэр
4	K25 K26 K28	Ходоод, дээд, өлөн гэдэсний шархлаа	Ходоод, дээд, өлөн гэдэсний шархлааны идэвхжилт буурсан болон намжмал үе, үйл ажиллагааны алдагдалгүй, цус алдалт бусад хүндрэл илрээгүй

5	K 29.3-29.9	Ходоод, дээд гэдэсний үрэвсэл	Архаг үрэвслийн сэдрэлийн бус үе, хүндрэлгүй хэлбэр
6	K58 K59	Нарийн бүдүүн гэдэсний эмгэг	а/ Нарийн бүдүүн гэдэсний сүрьеэ, шархлаа, шимэгчийн бус гаралтай архаг үрэвсэл, сэдрэлийн бус үе б/ Гэдэсний үйл ажиллагааны хямрал /дискинез/
7	K66	Хэвлийн наалдац	Хэвлийн хөндийн хагалгаа, үрэвслийн дараа үүссэн наалдац
8	K80 K81 K83	Цөсний хүүдий, цөсний сувгийн эмгэг	а/ Цөсний хүүдий, цөсний замын архаг үрэвсэл, сэдрэлийн бус үе б/ Цөсний хүүдийн үйл ажиллагааны алдагдал в/ Цөсний чулуушралын мэс заслын эмчилгээ шаардлагагүй хэлбэр
9	K-73	Элэгний архаг үрэвсэл	а/ Элэгний үрэвслийн идэвхжилгүй буюу идэвхжил буурсан үе
10	K-86	Нойр булчирхайн архаг үрэвсэл	а/ Нойр булчирхайн архаг үрэвслийн хөнгөн, дунд хэлбэр, сэдрэлийн бус үе
11	K-91	Хоол боловсруулах эрхтний мэс заслын дараахь үе	а/ Ходоод дээд гэдэсний шархлаанд мэс засал хийлгэснээс 2 сараас доошгүй хугацаа өнгөрсөн, шарх бүрэн эдгэрсэн үе б/ Цөсний замд мэс засал хийлгэснээс 3 сараас доошгүй хугацаа өнгөрсөн, шарх бүрэн эдгэрсэн, мэс заслын дараахь хам шинжийн илрэлтэй
Амьсгалын тогтолцооны өвчин			
1	J12- 18	Уушигны үрэвсэл	а/ Архаг хэлбэр, сэдрэлийн бус үе, амьсгал, зүрхний дутлын 1үеэс дээшгүй
2	J 41-42 J44	Гуурсан хоолойн үрэвсэл	а/ Архаг хэлбэр, сэдрэлийн бус үе
3	J 45	Гуурсан хоолойн багтраа	а/ Багтрааны сэдрэлийн давтамж цөөн, амьсгалын дутагдал II шатнаас доош б/ Багтрааны намжмал үед амьсгал зүрхний дутмагшил II үе шатнаас хэтрээгүй
4	J 47	Бронхо эктази	Хөнгөн хэлбэр, амьсгал зүрхний дутмагшил I үе шатнаас хэтрээгүй
5	J 60-64	Уушиг тоосжих өвчин	Амьсгал, зүрхний дутмагшил I шатнаас хэтрээгүй
6	J68.0	Химийн бодис хий утаа, уур амьсгалаас үүсэх бронхит, пневмони	Архаг хэлбэр, намжмал үе

7	J 94	Уушигны гялтан хальсны үрэвсэл	Хуурай ба шүүдэст үрэвслийн дараахь намжмал үе, наалдац үүссэн тохиолдол
---	------	-----------------------------------	---

Шээс, бэлгийн эрхтний өвчин

1	N 03 N 04 N 05	Бөөрний архаг нефритийн хам шинж, Түүдгэнцрийн архаг үрэвсэл	а/Архаг гломерулонефрит, бөөрний үйл ажиллагаа хадгалагдсан эсвэл бага зэрэг буурсан, артерийн даралт хэт ихсээгүй б/ Сүрьеэ, чихрийн шижингийн бус гаралтай нефроз хам шинж: бөөрний үйл ажиллагаа хадгалагдсан эсвэл бага зэрэг буурсан, илэрхий гипопротейнемигүй болон протейнуригүй, анемигүй, хавагналт багатай, артерийн даралт хэт ихсээгүй /180/100 мм муб-аас ихгүй/
2	N 11 N 12	Сувганцрын завсрын эдийн архаг нефрит	а/ Пиелит, пиелонефритийн хурц үеэс 3 сар өнгөрсөн б/ Архаг пиелит, пиелонефритийн бүрэн бус намжмал болон намжмал үе:артерийн даралт хэт ихдээгүй, бөөрний дутагдлын шинж илрээгүй
3	N30	Цистит	Архаг хэлбэр, бүрэн бус, бүрэн намжмал үе
4	N41	Түрүү булчирхайн үрэвсэл	Архаг хэлбэр, бүрэн бус, бүрэн намжмал үе
5	N70 N71	Өндгөвч, умайн архаг үрэвсэл	Архаг үрэвслийн бүрэн бус, бүрэн намжмал үе
6	N 95	Цэвэрших үеийн хямрал	Хөнгөн, дунд явцтай
7	N 97	Эмэгтэйн үргүйдэл	Аарцгийн эрхтний үрэвсэлт өвчин, умайн дутуу хөгжлийн улмаас үүссэн үргүйдэл
8	N 99 N 39	Шээс, бэлгэсийн эрхтний мэс заслын дараахь үе	Умай, өндгөвч, дайвар, түрүү булчирхайн мэс засал хийснээс 2 сараас доошгүй хугацаа өнгөрсөн, нэвчдэс,наалдац үүссэн

Яс булчин, үе, холбогч эдийн өвчин

1	M 02 M 05-08 M 13	Үений эмгэг /артрит, артропати/	а/ Сүрьеэгээс бусад халдварын шалтгаант үений урвалжит артропати эмгэгийн намжмал болон бүрэн бус намжмал үе б/ Хэрх төст үений үрэвслийн намжмал үе үений хөдөлгөөний хязгаарлалт II зэргээс хэтрээгүй в/ Бусад шалтгаант үений үрэвсэл: үрэвслийн намжмал, бүрэн бус намжмал
---	-------------------------	---------------------------------------	--

2	M 15-19	Артроз	а/Үрэвсэл хавсраагүй б/Хөдөлгөөний хэт хязгаарлалт үүсээгүй, хүндрэлгүй
3	M 42	Нурууны остеохондроз	Хүндрэлгүй
4	M 45 M 47	Спондилопати	а/ Спондилит: намжмал болон, бүрэн бус намжмал үе, бие даасан хөдөлгөөн алдагдаагүй б/ Спондилез:хөдөлгөөний хэт хязгаарлалт үүсээгүй
5	M54	Дорсальги /нуруу өвдөх/	Хурцавтар, архаг хэлбэр, мэс засал эмчилгээ заалтгүй
6	M 60,61 M 65 M 75-79	Зөөлөн эдийн эмгэг	Миозит, периартрит, синовит, бурсит тендинитийн архаг хэлбэр бүрэн, бүрэн бус намжмал үе
7	M 84	Ясны хугарал	Бороожилт, ясжилт удааширсан
8	M 86	Ясны үрэвсэл	Сүрьеэгийн бус гаралтай, мэс засал, эмчилгээ шаардлагагүй, архаг хэлбэр
Арьсны өвчин			
1	L 20- L 30	Нейродермит	Архаг хэлбэр
2	L 28.2	Намарс	Архаг хэлбэр
3	L 40	Хайрст үлд	Энгийн тархмал болон хязгаарлагдмал, артропати хавсарсан
4	L 43	Хавтгай ширшил үлд	Архаг хэлбэр
5	L 50	Чонон хөрвөс	
6	L 70	Батга	Архаг хэлбэр
7	L 94	Склеродерми	
Дотоод шүүрэл, бодисын солилцооны өвчин			
1	E 66	Таргалалт	Дотоод шүүрлийн бус гаралтай
2	E 10 E 11	Чихрийн шижин	Хөнгөн дунд хэлбэр

**ХОЁР. РАШААН СУВИЛЛЫН КЛИНИК ТАСАГТ
ЭМЧЛЭХ ӨВЧНИЙ ЖАГСААЛТ**

№	Олон улсын ангиллын код	Өвчний нэр	Сувилалд эмчлэх өвчний үе шат онцлог
1	I 21	Зүрхний булчингийн шигдээс	а/ Өвчин хурц үедээ хүндрээгүй анхдагч ба дахисан жижиг голомтот шигдээсээр өвчилснөөс хойш 1 сарын дараа б/ Анхдагч ба дахисан том голомтот шигдээсийн хурц үе өнгөрснөөс хойш 1,5-2 сарын дараа в/ Зүрхний булчингийн шигдээс өвчний эдгэрэх шат: титэм судасны архаг дутмагшилтай, цусны эргэлтийн дутмагшил IIA үеэс хэтрээгүй, артерийн даралт ихдэх өвчин I-II шатанд байх, зүрхний хэм, дамжуулах чадвар алдагдлын хүнд хэлбэргүй байх
2	I 97	Зүрхний мэс ажилбарын дараахь үе	а/ Мэс ажилбарын дараа 1-6 сар өнгөрсөн, хэрэх өвчний идэвхжилгүй, цусны эргэлтийн дутмагшил II A үеэс хэтрээгүй
3	G 45	Тархины цусны эргэлтийн түр зуурын хямрал	Тархины цусны эргэлтийн түр зуурын хямралын дараахь үе
4	I 60 I 61 I 63	Тархины цус харвалт, шигдээс	Цус харвасан болон тархины шигдээсийн дараа 1,5-2 сараас доошгүй хугацаа өнгөрсөн, артерийн даралт тогтвортой, бусад хүндрэлгүй, сэтгэц хэвийн, өөртэй үйлчлэх чадвар сэргэж буй үе
5	G 97	Мэдрэлийн мэс ажилбарын дараахь үеийн эмгэг	а/ Тархинд цус харваснаас хийсэн мэс ажилбарын дараа 1,5-2 сараас доошгүй хугацаа өнгөрсөн, шарх эдгэрсэн, артерийн даралт тогтворжсон, бусад хүндрэлгүй, өөртөө үйлчлэх чадвар сэргэж байгаа
6	K25 K26	Ходоод, дээд гэдэсний шархлаа	Ходоод, дээд гэдэсний шархлааны идэвхжилт буурсан болон намжмал үе, үйл ажиллагааны алдагдалгүй, цус алдалт бусад хүндрэл илрээгүй
7	K91	Хоол боловсруулах эрхтний мэс заслын	а/ Ходоод, дээд гэдэсний шархлаанд мэс засал хийсний дараахь эрт үе: үрэвсэл, халдвар, хүндрэлийн шинж илрээгүй байх б/ Цөсний замд мэс засал хийлгэсний дараахь эрт үе:

		дараахь үе	үрэвсэл, халдвар, хүндрэлийн шинж илрээгүй байх
8	N 99	Шээс, бэлгэсийн эрхтний мэс заслын дараахь үе	а/ Умай, дайвар, өндгөвчний мэс заслын дараахь эрт үе, үрэвсэл, хүндрэлгүй б/ Бөөрний мэс заслын дараахь эрт үе: хагалгааны шарх эдгэрч буй, үрэвсэл хүндрэлийн шинж илрээгүй в/ Түрүү булчирхайн мэс заслын дараахь үе, шарх эдгэрч байгаа, үрэвсэл, хүндрэлгүй г/ Эм бэлэг эрхтэн унжих эмгэгийн мэс заслын дараахь эрт үе, үрэвсэл, хүндрэлгүй
9	G 51	Нүүрний мэдрэлийн эмгэг	Стационарын дараахь эрт үе
10	G 55	Нугалам хоорондын эвэрхий авах мэс заслын дараахь үе	Ламинаэктоми хагалгааны дараа өөртөө үйлчлэх, бие даан хөдлөх чадвартай байх
11	E 07	Бамбайн булчирхайн мэс заслын дараахь үе	Хагалгааны дараахь эрт үе: үрэвсэл хүндрэл, хордлогын шинж илрээгүй
12	T 84.0	Дотор хиймэл үений механик хүндрэл	Хиймэл үе суулгах мэс ажилбарын дараахь үе, халдвар, үрэвслийн хүндрэлгүй, өөртөө үйлчлэх, бие даан хөдлөх чадвартай

118

**ГУРАВ. РАШААН, СУВИЛАЛД ЭМЧЛЭХ, СУВИЛАХАД
ХОРИГЛОХ ЭМГЭГҮҮД**

1	Амьсгалын замын эрхтний эмгэг	Зүрх, амьсгалын дутмагшил II үеэс дээш хүндрэлтэй амьсгалын эрхтний өвчин
		Их хэмжээний идээт цэр ялгаралттай бронхоэктази, архаг буглаа
		Гуурсан хоолойн багтрааны сэдрэлийн үе
		Цустай цэр ялгарч буй өвчин
		Гялтанд шингэн үүссэн өвчин
		Бүх төрлийн сүрьеэ
2	Зүрх судасны эрхтний эмгэг	Хэрх гаралтай эндомиокардит идэвхжлийн үед
		Зүрхний шигдээсийн хурц үе
		Тогтвортой бус зүрхний бах III, IV ү.а.б
		Зүрх судасны дутмагшил IIA үеэс дээш
		Зүрхний хэм алдагдлын хүнд хэлбэр
		Артерийн даралт ихдэх өвчний III шат
		Захын судасны үрэвслийн тархмал, үжил үүссэн хүнд хэлбэр
3	Хоол шингээх эрхтэн, тогтолцооны эмгэг	Зүрх, гол судас, судасны аневризм
		Хоол боловсруулах эрхтнүүдийн өвчний хурц, сэдрэлийн үе
		Цус алдалт, цооролт, хавдарт шилжиж буй хүндрэл бүхий ходоодны шарх, шархны сэдрэл
		Сорвижилтоос үүссэн улаан хоолойн нарийсал
		Ходоодны хагалгааны дараахь хүндрэлүүд
		Архаг цусан суулгалт, гэдэсний шархлаат үрэвсэл
		Идэвхжилттэй элэгний үрэвсэл
		Элэгний цирроз
4	Мэдрэлийн тогтолцооны эмгэг	Шарлах хам шинж бүхий элэгний архаг
		Нойр булчирхайн үрэвслийн хүнд хэлбэр
		Мэдрэлийн тогтолцооны өвчний хүнд, хурц хэлбэр
		Хөдөлгөөн, мэдрэхүйн алдагдал, саажилтын улмаас өөртөө үйлчлэх чадваргүй, аарцгийн эрхтний үйл ажиллагаа алдагдсан эмгэг
5	Бөөр, шээсний зам, бэлгийн замын эмгэг	Эпилепси уналт
		Сэтгэцийн өөрчлөлт илэрсэн байдал
		Бөөрний дутагдал бүхий өвчин
		Макрогемотури илрэлтэй өвчнүүд
		Мэс заслын эмчилгээ шаардлагатай бөөрний чулуу
		Шээс дамжуулах замын нарийсал
		Эмэгтэйчүүдийн хавдрын урьдал өвчин

		Өндгөвч, умайн хүзүү, умайн хоргүй хавдар
		Эмэгтэйсүүдийн дисфункциональ цус алдалт
6	Дотоод шүүрэл бодисын солилцооны өвчин	Хордлогот бамбай
		Бамбай булчирхайн дутмагшил
		Чихрийн шижин декомпенсацийн шатанд
		Дотоод шүүрлийн эрхтний хавдрын гаралтай таргалалт
		Таргалалтын III-IV зэрэг зүрх, судасны дутмагшил II шатнаас дээш хавсарсан
7	Нүд ба түүний дайврын эрхтний эмгэг	Нүдний даралт ихдэх өвчин
8	Бусад	Бүх өвчний хурц үе, архаг өвчний хурцдлын үе, идээт процесс
		Хурц халдварт өвчин
		Нян тээгч тогтоогдсон тохиолдол
		Арьс, өнгөний халдварт өвчний халдвар тараах, сэдрэлийн шат
		Сэтгэцийн өвчин, архи, мансууруулах бодист донтогч
		Цусны өвчин
		Хорт хавдар
		Стационарын эмчилгээний дараахь өөртөө үйлчлэх, бие даах чадвар сэргээгүй тохиолдол
		Байнгын давтдаг цус алдалт, цус алдах магадлалтай өвчин
		Тураал
		Жирэмсэн

Эрүүл мэндийн сайдын 2014 оны
4 дугаар сарын 6 өдрийн 24/7 тоот
тушаалын гуравдугаар хавсралт

Маягт- РСМ №3А

РАШААН, СУВИЛАЛД ИЛГЭЭХ БИЧИГ

20 ... он ... сар ... өдөр

Дугаар _____

1. Илгээх бичиг олгосон эмнэлгийн нэр
2. Сувилуулагч..... овогтой
5. Нас: ... 4. Хүйс ... 5. Оршин суугаа хаяг.....
.....
6. Ажлын газрын хаяг:
.....
7. Ажил, албан тушаал: 8. Мэргэжил
9. Утасны дугаар Ар гэртэй нь холбоо барих утасны дугаар
10. Сувилуулагчийн зовиур, бодит үзлэг, анамнез, хийгдсэн эмчилгээ , шинжилгээ:
.....
.....
.....
.....
11. Онош: Үндсэн
Дагалдах
12. Рашаан, сувиллын нэр:
13. Сувилуулах хоног:

Тамга

Дарга /Ерөнхий эмч/.....
Эмчлэгч эмч.....

Эрүүл мэндийн сайдын ... оны
... дугаар сарын ... өдрийн ... тоот
тушаалын дөрөвдүгээр хавсралт

PCM № 1 (а)

Харшилдаг эм, хоол, хүнс

СУВИЛУУЛАГЧИЙН ТҮҮХ

НДД №
ЭМД №
Паспорт №
Регистр №
Сувилуулах бичгийн №

1. Овог нэр
2. Нас 3. Эрэгтэй, эмэгтэй (зур)
4. Яс, үндэс
5. Тогтмол хаяг:
6. Ажлын газар:
7. Албан тушаал:
8. Мэргэжил:
9. Боловсрол: (дээд, дунд, бага) /зур/
10. Утас:ар гэрийн
11. Хэвтсэн: 20.... он ... сар ... өдөр ... цаг
12. Гарсан, шилжсэн, хугацаанаас өмнө
буцсан /зур/ 20 он сар ... өдөр
13. Ор хоног

Өрөө №
Эмчлэгч эмч

Сувидалд ирүүлсэн эмнэлгийн нэр:
Сувидалд ирүүлсэн онош:
Сувицлын онош:
.....
.....

20 ... оны ... сарын ... өдөр ... цаг ... мин

Хэвтэх үеийн зовиур:

Өвчний түүх:

Амьдралын түүх:

Эпид анамнез: сүрьеэ / /, гепатит / /, корь / /, салхин цэцэг / /, гахай хаадар / /, гэдэсний халдвар / /,
H1N1 вируссын халдвар / /, шинэ вируссын халдварууд / /, хавьтсан эсэх / /
Сүүлийн 3 сар гадаад оронд зорчсон эсэх / /

А) Үзлэг:

Биеийн байдал: /зур/ хөнгөн, дунд зэрэг, хүндэвтэр, хүнд

Байрлал: /зур/ идэвхитэй, идэвхигүй, албадмал

Арьс, салстын өнгө: /зур/ хэвийн, улаан, шарангуй, хөхөлбөр

Чийглэг: /зур/ хэвийн, ихэссэн, багассан

Арьс: /зур/ тууралттай, тууралтгүй

Шархны байдал: /status localis/

Марианы байдал: /зур/ ердийн, маргандуу, тарган, туранхайвтар, туранхай, хэт туранхай

Хаван: /зур/ ерөнхий, нүүр, зовхи, хэвлий, шилбээр

Захын тунгалагийн булчирхай: /зур/ хэвийн, томорсон

22

Амьсгалын эрхтэний тогтолцоо

Цээжний хэлбэр: зөв, зөв бус; амьсгалын хэм 2 талд: жигд, жигд бус; амьсгалын тоо: 1 мин удаа
Үндсэн шуугиан: цулцангийн, гуурсан хоолойн; эмгэг шуугиан: _____

хэрчигнүүр: хуурай, нойтон, хэрчигнүүргүй

Цусны эргэлтийн тогтолцоо

Зүрхний авиа: тод, бүдэг, бүдгээвтэр;

Судасны цохилтын тоо: 1 мин удаа;

Хоол шингээх эрхтэн тогтолцоо

Хэлний өнгө _____, өнгөр _____

Хэвлийн тэмтрэлтээр /зур/: эмзэглэлгүй, эмзэглэлтэй; Эмзэглэлийн байрлал _____

Элэгний хэмжээ тэмтрэлтээр /зур/: а) хэвийн б) томорсон

Цэсний өвдөлтийн үед илрэх шинж _____

Нойр булчирхайн өвдөлтийн үед илрэх шинж _____

Өтгөн /зур/: хэвийн, суулгана, хатна _____

Шээс ялгаруулах тогтолцоо

Пастернацки шинж баруун / /, зүүн / /; хоногийн шээсний гарц: хэвийн, ихэссэн, багассан;

өнгө: _____, шөнө шээдэг, үгүй; шээхэд өвддөг, үгүй, тасалддаг, үгүй; дүлүүлж гардаг, үгүй;

Үе мөч, багана нуруу

Хэлбэр /зур/: өөрчлөгдсөн, хавдсан, өвдөлттэй, булчин чангарсан /аль үе, хэсэгт/ _____

Хөдөлгөөн: идэвхтэй, чөлөөтэй, идэвхгүй, хязгаарлагдмал /аль үенд/ _____

Мэдрэлийн тогтолцоо /өөрчлөлтийг бич/ _____

Бусад: _____

Шинжилгээ: _____

Онош: _____

Сувилуулагчийн биеийн байдал, тэмдэглэл	Заалт
	1. Хоол № 2. Дэглэм 3. Рашаан уух: хоолноос минутын өмнө, мл-ээр, өдөрт удаа, шимж, балгаж, залгилж /зур/ ууна.

124

Сувилуулагчийн биеийн байдал, тэмдэглэл	Заалт

Гарах: Эмнэлэгт шилжсэн; хугацаанаас өмнө гарсан /зур/
үеийн эпикриз 20 ... оны ... -р сарын ... өдөр ... цаг ... мин

Сувицуулагч овогтой
20 ... оны ... -р сарын ... өдрөөс 20 ... оны ... р сарын ... өдөр хүртэл хоног сувицуулав.

Хийгдсэн эмчилгээ, тоо / / : рашаан уух ..., рашаанд орох ..., иллэг ..., бумба ..., биеийн тамир ...,
усан эмчилгээ ..., шавар ..., парафин ..., цөс угаах ..., гэдэс угаах ..., хүзүү, нуруу татлага ..., зүү ...,
физик эмчилгээ:

Эмчилгээний үр дүн: Биеийн байдал: илт сайжирсан, сайжирсан хэвдээ, дордсон /зур/

Гарах үед өгсөн зөвлөмж:

Эмчилгээний дараах гам сахих / /, АД-г хянах / /, Зөв хооллох / /, Давтан шинжилгээ хийлгэх / /,
..... эмчийн хяналтанд байх, бусад:

А. Гарах үеийн сувиллын онош:

Б. Дагалдах онош:

В. Хүндрэл:

Эмчлэгч эмч:

Тасгийн эрхлэгч:

Хүлээн авсан статистикч эмч: